



Ngoenzneix ceng di hwk dai gou lo——dahnuengx mbouj raen lo!

Ninzngaiz ndiu gvaqdaej, dahnuengx mbouj raen lo. Gwnz mbonq fandenz baeb ndaej cingcingj caez-caez, gouh haizliengz iq de lij baij cingq youq naj mbonq. Hoeng dahnuengx bae gizlawz lone? Youq ndawhongh, mbouj raen dahnuengx; cam ranznden, hix mbouj miz vunz raen; ra doh gij lwgnyez ciengz caeuq dahnuengx guhcaemz haenx, hix mbouj raen! Gou gipmuengz buet

Dahnuengx Roxsoq

懂事的妹妹

daengz ran daxdaiq liz ranz gou mbouj gyae haenx bae. Daxdaiq mbouj raen dahnuengx, youh gipgip muengz-muengz caeuq gou buet dauqma. Ngamq haenx ranz, cij raen dahnuengx angqvauvau aj song gen coemj coh daxdaiq. Gou baez raen dahnuengx, dungx heiq he mbouj rox daj gizlawz daej, baez rag dahnuengx gvaqdaej: “Mwngz bae gizlawz loha?” Siengj mbouj daengz daiq yungh rengz, rag dwk dahnuengx laemx youq gwnz dieg lo, dahnuengx vei ndaej “va” daej lo. Dahnuengx baez daej, gou boux guh dahcej neix sim’ unq lo. Gou sing iq gienq de: “Gaej daej lo, dwg dahcej loek lo! Haxbaenh mwngz bae gizlawz

ha?” Dahnuengx raen gou hozswnh haujlai lo, hix mbouj daej lo, de naeuz: “Gou gizlawz cungj mbouj bae, itcig youq ndaw rug daxboh yawj saw. Gou ndiu seiz, mwngz lij ninzndaek, gou couh mbouj heuh mwngz lo.” Aeya, laxlawz dwg gou loek gvaic dahnuengx lo, gou sawqmwh gamjdaengz gig mbouj gvaqeiq. Yawjraen dahnuengx mbouj daenj haiz, gou youh naeuz de: “Son mwngz geijlai baez lo, aeu gyaez seuq di, mwngz baenzlawz youh mbouj daenj……” Caengz caj gou gangj sat, dahnuengx couh naeuz: “Neix cungj dwg lauxsae son ha!” “Ha?” Gou gig geizheih. Dahnuengx yienhndaej gig daekeiq, ciengq diuz golwngnyez ngamq

hag rox haenx: “Lwgnyez gvai, cingq ninzngaiz, youwzyenz dinghsisi. Duzmeuzraiz, rox dauhleix, yaemj din yaemj nyauj buet gwnzdeih; din mbaeumbi, mbouj ok heiq, lwgnyez bouxboux ninz ndaej ndei.” Ciepdwk de saenzmaed dwk lwnh gou: “Mwh dou ninzngaiz, lauxsae byaij loh cungj gig mbaeu, lau cauz ndiu dou.” Seizneix gou cij fwt singj gvaqdaej: Dahnuengx vihliux hawj gou ndeindei ninz, cij mbouj heuh gou, cij mbouj daenj haiz, laeglemx byaij okbae.

Dahnuengx geijlai roxsoq ha! Gou moenghmangh yawj dwk de, lumjbaenz ngoenzneix cij rox de nei.

(roek nienzgaep Cwnz Binghsw)

Daxboh Gou Dwg “Ciuvunz”

我的爸爸是“超人”

Daxboh gou dwg “ciuvunz”. Mboujloek, couhdwg yienghneix! Miz vunz cam gou: “Daxboh mwngz vihmaz dwg ciuvunz ne? Mwngz yawj boux ciuvunz ndaw denyngj, hwnj mbwn ndonj deih, yienghyiengh caixhangz. Daxboh mwngz ndaej lwi?” Gou doiq ciuvunz aen dingyi neix mbouj dwg yienghneix bw, vaiqvaiq dingq gou gangj ba.

Youq ndaw ranz, daxboh couh-dwg boux saenzbaujhu gou. Gou angq seiz heuh daxboh, gou vei seiz heuh daxboh, nyapnyuk seiz heuh daxboh. Mboujlwnh gou seizlawz heuh daxboh, daxboh cungj lumj boux siuhfangzyenz nei riengjret ganj daengz henz ndang gou.

Daxboh gou dwg boux sezgiswh maenh’ak ndeu, youq dieg gou gig mizmingz ne! De hawj haujlai giyez sezgi gvaq gyaujci, lij hawj hagdangz dou caeuq gij hagdangz

wnq sezgi gvaq hagdangz vwnzva gensez. Mwh guh sezgi aeu dingh sim roengzdaej, daxboh youq naj dennauj baez naengh couh naengh geij diemj cung. Cogauj guh ndei le, lij ginggvaq fanjfuk gaij caeuq diuzcingj. Yawj gij yiengh daxboh nyinhcaen haenx, gou daj ndawsim boiqfug de.

Daxboh lij gig rox guh hongranz. Mwngz yawj, de youq ndaw ranz nyaengq cungj dingz mbouj roengzdaej, yaep he uet deih, yaep he uet cueng, yaep he cingjleix aenmbonq, aeu aenranz baet ndaej seuqsatsat. Daxboh lij gig rox cawj byaek, gij byaek de cawj haenx haekfeih dangqmaz, caenh dwg yawj myaiz gou couh rih okdaej.

Youq ndawsim gou, daxboh couhdwg boux “ciuvunz” he, baenzlawz yiengh? Mwngz fug luba.

(sei nienzgaep Hoz Sinhyenz)



Doegsaw Ceiq Angq

读书最快乐

mbangj vunz dingq daxmeh gangj gojgaeq ne! Yawjraen gyoengqde yienghneix ciensim, gou hix sikhaek dawz bonj saw he okdaej yawj. Gvaq yaep he, gou hix yawj haeumaez lo, lumjbaenz youz daengz ndawgyang sawhaij bae, caeuq dujva gangj vah, caeuq gonnyw doxdongx, caeuq duzbya guh yahndoj……

Sawqmwh, daxmeh yaeng’ yaeng bek gou naeuz: “Seizgan daengz lo!” Gou cij hoizsaenz gvaqdaej, yawj-yawj soujbyauj naeuz: “Ya, baenzlai gvaiz ha!” Laxlawz, mbouj rox mbouj nyinh gaenq daengz seizgan gwn haeux lo, gou cij sij mbouj ndaej cuengq saw roengz caeuq daxmeh byaij ok duzsuhgvanj.

Doegsaw, couh lumj gwn dangz yienghhaenx vandiemz, lumj gwn yinjliu yienghhaenx cwxcaih, doegsaw, cij dwg sawj gou ceiq angqyangz.

(sam nienzgaep Vangz Vanlij)

sij cozvwnz cingzgingj

Gaemdawz Song Mbiengj Cih “Caeuq”

抓住“和”字的两侧

Lauxsae doeklaeng lij dwg nyinhnaeuz, gij siengjap Yenz Beibei gig ndei, siengjsiengliz gig fungfouq, hix naengz fanjyingj swhsiengj gamjcingz de, baez lienhguh cozvwnz neix cinj miz cozvwnz yienghneix. Mboujgvaq, daihgaya ceiq ndei sij gij saeh gij gamjcingz “gou” caeuq boux vunz saedsaed caihcaih he.

Dingq dangz goq neix, Daegcoengh ndaejdaengz mbouj noix

daezdiemj, daejgauj cozvwnz de gaenq daj ndei lo. De yaek sij gij saeh de caeuq daxmeh. Daegcoengh geiq ndaej mwh de hwnj youwzyenz, mbouj daiq dingq vah, gwn doxgaiq biengwn, mbouj gyaez gwn byaekheu, caemh-caiq mwh gwn doxgaiq mbouj swiq fwngz; seizhah mbouj ninzngaiz, buet daengz baihrog bae gaeb biengzbeih; daxheiz youwzyenz heuh Daegcoengh caeuq gij lwgnyez wnq doxlwnz dang

banhcangj, Daegcoengh ndaejdaengz daezdiemj, ma ranz le caeuq daxmeh daezok doxlwnz dang gyahcangj, mboujne vunzhung cungj guenj lwgnyez. Daxmeh Daegcoengh angq raixcaix. Daj mwhhaenx hwnj, moix baez gwn haeux, Daegcoengh hix gwn byaekheu lo, daxmeh gyajcang mbouj gwn byaekheu, Daegcoengh couh naeuz daxmeh. Banngaiz, daxmeh gwn ngaiz le mbouj ninzngaiz, Daeg-



coengh sien hwnj mbonq ninz roengz, yienzhaeuh heuh daxmeh hix ninz, lij naeuz mbouj ninz couh maj mbouj sang. Gwn doxgaiq gaxgonq, Daegcoengh lij bang daxmeh swiq fwngz. Daxmeh naeuz, Daegcoengh daj dang “gyahcangj” le, bienqbaenz lingh boux vunz he lo.

(sat)